

Broj: 03-02-855-1/2022
Sarajevo, 24.03.2022. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

| Primljeno: 24-03-2022 | | | |
|-----------------------|------|---------|------------|
| Org. jed. | Broj | Priloga | Vrijednost |
| 02- | 02- | 588 | 122 |

**PARLAMENT FEDERACIJE
BOSNE I HERCEGOVINE**

- Dom naroda -
gosp. Tomislav Martinović, predsjedavajući

VRLO HITNO

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlog zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine - hitni postupak, kojeg je podnio Ivo Tadić, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 309. sjednici, održanoj 24.03.2022. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,

PREMIJER
Fadil Novalić
Fadil Novalić

Prilog: kao u tekstu na bosanskom jeziku

**Cc: Federalno ministarstvo rada i socijalne politike
gosp. Vesko Drljača, ministar**

Co: predmet

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine - hitni postupak, kojeg je podnio Ivo Tadić, delegat u Domu naroda Parlamenta Federacije BiH, Vlada Federacije Bosne i Hercegovine je, na 309. sjednici održanoj 24.03.2022. godine, utvrdila sljedeće

MIŠLJENJE

Vlada Federacije BiH, **ne prihvata** Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH-hitni postupak, kojeg je podnio Ivo Tadić, delegat u Domu naroda Parlamenta Federacije BiH.

Obrazloženje

Navedenim Prijedlogom zakona uređen je način i postupak utvrđivanja i usklađivanja penzija profesionalnim vojnim licima u službi u Oružanim snagama BiH koji prava ostvaruju kod Federalnog zavoda za penzijsko i invalidsko osiguranje, i to počev od 01.01.2006. godine.

S tim u vezi, Vlada Federacije Bosne i Hercegovine isti je ocijenila neprihvatljivim.

Naime, radi se o Prijedlogu zakona koji predstavlja korak unazad u reformi penzijskog sistema i narušava rezultate koji su postignuti, a prije svega stabilnost isplate penzija koja je zagarantovana donošenjem i provedbom novog Zakona o penzijskom i invalidskom osiguranju („Službene novine Federacije BiH“, br. 13/18, 90/21 i 19/22). Zakonom o penzijskom i invalidskom osiguranju uveden je novi sistem utvrđivanja visine penzija kroz bodovnu formulu, koju odlikuje pravednost jer se visina penzije temelji na visini uplaćenih doprinosa i dužini staža, pa više uplaćenih doprinosa daje i veću penziju, te je napušten sistem koeficijenta i uvedena najbolja svjetska praksa u penzijski sistem u Federaciji, a to je redovno i transparentno usklađivanja penzija.

Također, ističemo da je Federalno ministarstvo rada i socijalne politike na identičan tekst Prijedloga zakona ranije zatražilo mišljenje Federalnog ministarstva finansija. U mišljenju Federalnog ministarstva finansija je istaknuto da je potrebno dodatno precizirati finansijske pokazatelje, pojasniti na koje kategorije će Prijedlog zakona imati uticaj, te dostaviti usporedni prikaz, tj. iznos ostvarenih prosječnih bruto plaća i naknada ovih lica u zadnjoj godini prije penzionisanja, kao i iznos visine ostvarenih penzija po kategorijama za navedena lica.

Zbog navedenog je Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH-hitni postupak, kojeg je podnio Ivo Tadić, delegat u Domu naroda Parlamenta Federacije BiH, ocijenjen neprihvatljivim.

V. broj: 367/2022
24.03.2022. godine
Sarajevo

